

## Lust Scriptures

**Exodus 15:9** `Diinni, "Ani isaan nan ari'a, isaan nan qaqqaba, boojuu nan hira, isa ani gojoma'ee tures isaan irratti nan raawwadha, billaa koo nan luqqifadha, harki koos isaan in balleessa" jedhe.

**Exodus 18:21** `Kana malees immoo saba guutuu keessaa namoota danda'an, warra Waaqayyoon sodaatan, warra amanaman, warra gabbarsuu fudhachuu hin jaallanne in foota; jarreen kana eegdota kumaa, eegdota dhibbaa, eegdota shantamaa, eegdota kudhaniis gootee saba kana irratti aboo in kennitaaf.

**Exodus 20:14** `Hin ejjin!

**Exodus 20:17** `Mana namaa duraa fudhachuudhaaf hin hawwin! Haadha manaa namaa, hojjetaa isaa, hojjettuu isaa, qotiyoo isaa, harree isaa, waanuma kan isaa ta'e duraa fudhachuudhaaf hin hawwin!' jedhe.

**Namoota 11:4** Tuuti garaa garaa isaanii wajjin turanis nyaata kan bira cimsanii in dharra'an; Israa'eloonni garagalanii boo'anii, `Eenyetu foon nu nyaachisa?

**Deuteronomy 5:21** `"Haadha manaa namaa duraa fudhachuudhaaf hin hawwin; mana namaa, maasii isaa, hojjetaa isaa, hojjettuu isaa, qotiyoo isaa, harree isaa yookiis waanuma kan isaa ta'e duraa fudhachuudhaaf hin hawwin!"

**Deuteronomy 12:20** Erga Waaqayyo gooftaan kee akkuma si abdachiisetti daarii biyya keetii siif bal'isee immoo, garaan kee foon nyaachuu yommuu dharra'u, ati, `Amma foon nyaachuu nan barbaada' in jetta; akkuma garaan kee dharra'ettis foon in nyaatta.

**Deuteronomy 22:22** Namni tokko dubartii dhirsa qabduu wajjin utuu ciisuu yoo argame, lamaanuun isaanii, namichi inni ishee wajjin ciisee fi dubartittiin haa ajjeefaman! Akkasitti isa hamaa Israa'el keessaa baasaa!

**Iyaasuu 7:21** uffata miidhagaa biyya Shiinaaritti hojjetamee fi meetii sheeqeli shantama baasu boojuu keessatti argeen hawwee fudhadhe; kunoo, uffatichi godoo koo keessa awwaalamee jira, meetichis immoo isa jalaan jira' jedhe.

**Psalms 10:3** Namni jal'aan kajeellaa garaa isaatiin of in jaja, inni bu'aa argachuuf in saama iyyuu dha; in abaara, Waaqayyoonis in tuffata.

**Psalms 78:18** nyaata dharra'an sana `Fidi' jechuu isaaniitiin, Waaqayyoon garaa isaaniitti in qoran.

**Psalms 78:30** Garuu sassati isaanii utuu irraa hin galin, nyaatichis amma iyyuu afaan isaanii keessa utuu jiruu,

**Psalms 81:12** Isaan mata-jabeeyyi akka ta'aniif nan dhiise; yaada isaanii isa qopheessan duukaas in bu'an.

**Psalms 106:14** Lafa duwwaa keessatti kajeellaan cimaan isaan in qabate; lafa onaa keessattis Waaqayyoon in qoran.

**Psalms 119:36** Bu'aa dalgaa fi sassatuu irraa, garaa koo gara wanta

**abboommiiin kee dhugaa ba'uufitti qabi!**

**Fakkeenyonni 1:19 Jirenyi nama bu'aa jal'inaa buufatuu kana in fakkaata; qabeenyi akkasiis lubbuu namichaa in balleessa.**

**Fakkeenyonni 6:25 Garaan kee miidhagummaa ishee hin hawwin, iji ishees si hin booji'in!**

**Fakkeenyonni 15:27 Namni bu'aa dalgaaf sassatu maatii isaatti rakkina in fida, namni gabbarsuu fudhachuu hin jaallanne garuu, in jiraata.**

**Fakkeenyonni 21:25,26 Namni dhibaa'aan sababii hojii hojjechuu dhiisuuf, kajeellaadhaan in du'a. 26 Inni ittuu caalchisee argachuuf guyyaa guutuu in kajeela, namni qajeelaan immoo harka keessa utuu hin qabatin in kennaaf.**

**Fakkeenyonni 28:16 Bulchaan biyyaa, inni dubbii gargar baasee hubachuun itti hir'atu, warra harka isaa keessa jiran in miidha; namni bu'aa karaa malee argamu jibbu garuu, bara dheeraa gammadaa in jiraata.**

**Isaayaas 56:11 isaan albaadheyyii akka saroota nyaatanii hin quufnee ti, eegdota waa hubachuun hin dandeenyee dhas; hundumti isaanii adduma addaan waanuma isaanitti tolu in barbaadu, bu'aa oofii isaanii duukaas in bu'u;**

**Isaayaas 57:17 bu'aa gar-malee argachuu isaatiin sababii yakkeef, ani isatti dheekkamee isa nan adabe, aarees fuula koo isa irraa nan deebise; kana keessaa immoo didee karuma ofii isaatii irra in bu'e.**

**Ermiyaas 6:13 `Isaan isa guddaadhaa hamma isa xinnaatti, hundumti isaanii bu'aa dalgaa duukaa in bu'u. Raajonnii fi luboонни iyuu namoota in gowwoomsu;**

**Ermiyaas 22:17 `Iji kee fi yaadni kee garuu, bu'aa karaa jal'inaa dhufu irra kaa'amani jiru; dhiiga nama balleessaa hin qabnee in dhangalaafka, nama in miita, jal'inas nama irratti in hojjetta' jedhe.**

**Ermiyaas 51:13 Ati yaa ishee galaana gurguddaa bira jirtuu, yaa ishee badhaadhummaa danuu qabduu! Dhumni kee dhi'aateera, akka uffata dha'amee muramuu jala ga'ees ta'eera.**

**Hisqi'el 6:9 Ani yaada isaanii isa ejjummaadhaan ana irraa garagale waanan cabseef, ija isaanii isa kajeellaa xuraa'adhaan gara waaqayyolii tolfamoo isaanii ilaales waanan jaamseef, isin keessaa warri hafan iddo itti saba lafa irraa gidduutti booji'aman sanatti ana in yaadatu; isaan hojii isaanii isa ciiggaasisaa hundumaan hamaa waan hojjetaniif of in jibbu.**

**Hisqi'el 14:4,5 Kanaafis ati isaanitti dubbadhuu, "Waaqayyo gooftaan, mana Israa'el keessaa namni tokko waaqayyolii tolfamoo garaa isaa keessa kaa'atee, yakka isaa isa gufuu isatti ta'es of dura dhaabbatee, waa gaafachuudhaaf gara raajii yoo dhufe, ani Waaqayyo ofii kootii akka baay'ina waaqayyolii isaatti deebii nan kennaaf' 5 isaan hundinuu waaqayyolii tolfamoo isaaniif jedhanii ana dhiisaniiru, ani immoo garaa mana Israa'el deebisee nan qabadha' jedhe.**

**Hisqi'el 22:12 Si keessatti namoonni dhiiga dhangalaasuudhaaf gatii in**

**fudhatu; ati hiiqidhaa fi bu'aa gar-malee in fudhatta, doorsisaanis nama irraa bu'aa in argatta; anas irraanfatteetta' jedha Waaqayyo gooftaan.**

**Hisqi'el 33:31 isaanis dhufaniiakkuma saba kootti dubbii kee dhaga'uudhaaf si dura in taa'u; garuu isa dhaga'an kana hojii irra hin oolchan; isaan afaan isaaniitiin waa'ee jaalalaa baay'ee in dubbatu, garaan isaanii garuu bu'aa jal'inaa duukaa in bu'a.**

**Uziyaa 4:12 Sabni koo bifaa muka irraa qiinqimame deebii in gaafata, dhaabanni isaas akka isaa akka itti himuuf in eeggata; yaadni ejjummaa isaanitti galee isaan wallaachise; Waaqayyo jalaa ba'anii ejja isaanii duukaa bu'an.**

**Uziyaa 5:4 Garagaggaluun yaada isaanii keessa waan jiruuf, Waaqayyoon hin beekan; hojiin isaanii gara Waaqayyootti deebi'uu isaan in dhowwa.**

**Miikiyaas 2:2 Isaan lafa namaa isa kajeelan humnaan in qabatu; mana namaa isa barbaadanis in fudhatu; nama tokko mana isaa wajjin, isa kaanis dhaala isaa wajjin in cunqursu.**

**Naahom 3:4 Kun sababii baay'ina ejjummaa isheen ejjituun, isheen miidhagduun giiftiin qoricha namatti gootu, saba lafa irraa ejja isheetiin, qoricha namatti gochuu isheetiinis gurgurteef ta'e.**

**Anbaaqom 2:9 Yaa nama bu'aa jal'inaatiin mana kee ijaarrattuu, diina jalaa ba'uudhaafis lafa itti galtu iddo ol ka'aa irratti tolfattuu, siif wayyoo!**

**Maatewoosiv 5:28 Ani garuu isinittan hima, namni ija hawwaatiin dubartii ilaale garaa isaatti isheetti ejjeera.**

**Maarqoosi 4:19 Yaaddoon biyya lafaa, gowwoomsaan soorumaa, kajeellaan adda addaas itti dacha'anii, dubbicha huunaan ija utuu hin godhatin hafe.**

**Maarqoosi 7:22 ejjummaa, sassata, hammina, haxxummaa, gad dhiisa, weennoo, nama salphisuu, of tuulummaa, dagattummaa.**

**Luqaas 3:14 Warri loltuunis, 'Nu immoo maal goonu ree?' jedhanii gaafatan; inni immoo, 'Giddisiiftanii horii nama tokko irraa illee hin fudhatinaa; sobaanis nama tokko iyyuu gara abbaa firdiitti hin geessinaa; qallabni keessan inni isin fudhattan isin haa ga'u!' jedheen.**

**Luqaas 12:15 Kanatti fufee hunduma isaaniitiin, 'Ilaalladhaa, sassata hundumaattiis of eeggadhaa! Jireenyi eenyuu illee baay'ina qabeenya isaa irra hin dhaabatu' jedhe.**

**Luqaas 16:14 Fariisonni warri horii jaallatan kana hundumaa dhaga'anii, Yesusitti ga'isan.**

**Yohaannisi 8:44 'Isin kan abbaa isa tokkoo, kan Seexanaa ti; kajeellaa hamaa isa kan abbaa keessaniis gochuu in feetu. Jalqabumaa jalqabee inni sun nama ajjeesaa ture; dhugaan isa keessa waan hin jirreef, inni dhugaa irra hin dhaabanne. Inni sobaa dha, abbaa sobaa tis; kanaaf yommuu sobu isa garaa isaa keessa jiru in dubbata.**

**Hujii Ergamtootaa 20:33 Tokkon keessan irraa warqee yookiis meetii yookiis uffata argachuu hin kajeelle.**

**Roomaatti 1:24-29 Kanaafis Waaqayyo kajeellaa garaa isaaniitiin**

xuraa'ummaatti, walii isaanii gidduuttis dhagna isaanii salphisuutti dabarsee isaan kenne. 25 Isaan dhugaa waa'ee Waaqayyoo sobatti diddiiraniiru; Waaqayyoon isa hundumaa uume dhiisanii, uumamaaf sagadanii, hojetaniif. Waaqayyo garuu bara baraan galateeffamaa dha! Ameen. 26 Sababii kanaaf Waaqayyo kajeellaa nama salphisutti dabarsee isaan kenne; dubartoonni isaaniis karaa ittiin fedha fooniitiif dhiiraa wajjin wal bira ga'an isa uumamaan kennameef dhiisanii, gara isa uumamaan isaaniif hin kennaminitti diddiiratan. 27 Warri dhiiraas akkasuma karaa ittiin fedha fooniitiif dubartoottaa wajjin wal bira ga'an, isa uumamaan kennameef dhiisanii, kajeellaa walii isaaniitiin gubataniiru; warri dhiiraas walii isaanii gadhoomsanii, beekaa karaa irraa jal'isuu isaaniitiif adaba dhagna isaanii akka ta'utti fudhataniiru. 28 Isaan Waaqayyoon beekuu, dubbii qajeelaatti waan hin lakkaa'iniif, Waaqayyo immoo yaada jal'aadhaa fi, waan namni hin hojenne hojjechuutti dabarsee isaan kenne. 29 Isaan jal'ina, hammina, sassata, gadhummaa hundumaan guutamanii turan. Kanaanis guutamanii in hinaafu, in ajjesu, nama in lolu, in gowwoomsu, warra kaaniif isa gadhee in hawwu, dhoksaanamaa in mul'isu;

**Roomaatti 6:12 Ammas cubbuun warra kajeellaa fooniitiif abboomaman akka isin hin godhannetti, dhagna keessan isa du'e keessatti isa hin moosisinaa!**

**Roomaatti 7:7 Egaa immoo seerri ofuma isaatii cubbuu dha jenna moo ree?**  
Kun matumaa hin ta'u. Haa ta'u iyyuu malee, utuu seerri hin jiraannee ani cubbuu hin beekun ture; utuu seerri 'Waan namaa hin hawwin!' hin jenne ta'ee, hawwuun maal akka ta'e hin beekun ture.

**Roomaatti 13:9 Abboommonni, 'Hin ejjin, hin ajjesin, hin hatin, waan namaa hin hawwin' jedhan, warri kaanis hundinuu dubbii tokkicha isa, 'Nama akka ofii keetiitti jaalladhu!' jedhuun in xumuramu.**

**Roomaatti 13:14 Gooftaa Yesus Kristosin akka uffata sibiilaatti uffadhaa malee, hawwa namummaa foonii raawwattanii isas gammachiisuudhaaf garaa hin kenninaa!**

**1 Qorontoosiitti 5:10,11 Ergaa koo keessatti namoota halalummaatti jiraatanii wajjin hidhata akka hin taane jechuun koo, walitti qabaatti warra biyya lafaa kana keessa halalummaatti jiraatan yookiis warra sassatan yookiis warra saaman yookiis warra waaqayyolii tolfamaniif sagadan baqadhaa jechuu koo miti; kanaa achi raawwattanii biyya lafaa keessaa ba'uutu isin barbaachisa ture. 11 Wanti ani isiniif caafe, 'Ani amaneera' jedhee nama halalummaatti jiraatu yookiis nama sassatu yookiis nama Waaqayyo tolfamaadhaaf sagadu yookiis nama maqaa nama balleessu yookiis nama machaa'u yookiis nama nama saamuu wajjin walitti hin hidhatinaa! Isaa wajjin illee hin nyaatinaa kan jedhu ture.**

**1 Qorontoosiitti 6:9,10 Egaa warri jal'oonti mootummaa Waaqayyootti akka hin galle hin beektanii ree? Hin gowwoominaa! Warri halaleen, warri**

waaqayyolii tolfaman waaqessan, warri ejjan, warri gadhaa'an, warri nama gadhoomsanis, 10 warri hatan, warri sassatan, warri machaa'an, warri maqaa namaa balleessan, warri nama saamanis matumaa mootummaa Waaqayyootti hin galan.

- 1 **Qorontoosiitti 10:6** Wanti kun hundinuu immoo, nus akkuma isaan sanaa waan hamaa akka hin hawwineef of nu eeggachiisu.
- 1 **Qorontoosiitti 12:31** Isin garuu kennaa warra caalan argachuudhaaf dhama'aa! Ani immoo isaan kana hundumaa irra isa caalu iyyuu isinittan argisiisa.
- 1 **Qorontoosiitti 14:39** Egaa yaa obboloota ko, waan Waaqayyo isinitti mul'ise himuudhaaf dhama'aa! Afaan hin beekamneen dubbachuus hin dhowwinaa!
- 2 **Qorontoosiitti 9:5** Kana irratti obboloonni kun na dura gara keessan dhufanii, gargaarsa isin arjummaadhaan kennuudhaaf abdachiiftan akka qopheessaniif, isaan kadhachuun barbaachisaa anatti fakkaate; gargaarsi kunis akka kennaa dooqnaatti utuu hin ta'in, akka kennaa arjaatti qophaa'ee nu haa eegu!

**Galaatiyaatti 5:16-20** Ani garuu, `Hafuuraan geggeeffamaa jiraadhaa malee, fedha foonii hin raawwatinaa!' nan jedha. 17 Fedhi foonii hafuuraan in morma; hafuurris fooniin in morma; isin waanuma jaallattan akka hin gooneef, isaan kun lamaan waliin in mormu. 18 Hafuurichaan yoo geggeeffamtan garuu, isin seericha jala hin jirtan. 19 Hojiin foonii mul'ataa dha. Isaanis halalummaa, xuraa'ummaa, jirenya gad-dhiisii, 20 waaqayyolii tolfaman waaqessuu, qoricha namatti gochuu, diinummaa, qoccolloo, hinaaffaa, dheekkamsa, ofittummaa, yaadaan gargar ba'uu, barsiisaan gargar cabuu,

**Galaatiyaatti 5:24** Warri kan Kristos Yesus ta'an immoo yaada foonii, hawwa isaa, fedha isaas fannisaniiru.

**Efesooniitti 2:1-3** Isin kanaan dura irra-daddarbaa keessanii fi cubbuu keessaniin *karaa hafuuraa* duutanii turtan. 2 Yeroo sanatti isin toora biyya lafa kanaa duukaa buutanii deddeebi'aa, aboo qilleensa keessa jiru irratti isa gooftummaa qabuuf abboomamaa turtan; hafuurichi hamaan amma namoota Waaqayyoof hin abboomamne gidduutti hojjechaa jira. 3 Nus hundumti keenya hawwa foon keenyaa duukaa buunee, akka fedha namummaa keenyaa fi yaada keenyattti warra akkasii gidduu jiraanneerra; kana irraa kan ka'es akkuma warra kaanii dhalootaan dheekkamsa Waaqayyoo jala gallee turre.

**Efesooniitti 4:19** Isaan of qabuu dadhabanii jirenya gad-dhiisiitti of kennaniiru; wanta nama xureessu hundumaa in hojjetu, in ga'as hin jedhan.

**Efesooniitti 4:22-27** Yaada namummaa moofaa isa dur itti jiraachaa turtan, isa kajeellaa nama gowwoomsuun manca'e of keessaa baasaa! 23 Hafuura yaada garaa keessanii keessattis haareffamaa! 24 Namummaa

**haaraa isa qajeelummaa fi qulqullummaa dhugaatti, fakkaattii Waaqayyootiin uumame uffadhaa! 25 Kanaafis namni adduma addaan soba of keessaa baasee, dhugaa namatti haa dubbatu! Nuyi bu'aa dhagna walii ti. 26 Yoo aartan iyyuu aariin keessan gara cubbuutti isin hin geessin! Utuma aariitti jirtaniis aduun isin duraa hin lixin! 27 Seexanaaf karaa hin kenninaa!**

**Efesooniitti 5:3 Akka warra Waaqayyoof qulqulla'a'niitti jiraadhaa malee, halalummaan, xuraa'ummaan hundinuu, sassatis isin gidduutti hin dhaga'amin iyyuu.**

**Efesooniitti 5:5 Namni halaleen, yookiis xuraa'aan yookiis sassataan mootummaa Kristosii fi mootummaa Waaqayyootti galuu akka hin dandeenye beekaa! Namni sassataan waaqayyolii tolfaman waaqessuu isaa ti.**

**Qoloosaayisiitti 3:5 Egaa yaada keessan wanta lafa irra jirutti isa hidhu, halalummaa fi xuraa'ummaa, kajeellaa fi hawwa hamaa, sassata isa waaqayyolii tolfaman waaqessuutti lakkaa'amus, of keessaa ajjeesaa.**

**1 Tasaloonqeetti 2:5 Nuyi isin biratti warra dubbii itti kuulan, warra ittiin qabanii nu ga'a jechuu dadhabuu isaanii dhokfatan akka hin ta'in ba'eessa gootanii in beektu; kanas Waaqayyo in beeka.**

**1 Tasaloonqeetti 4:3-7 Waaqayyo halalummaa irraa fagaattanii qulqullummaatti jiraachuu isin irraa in fedha. 4 Dhiirri adduma addaan haadha manaa qabaatee qullaa'ummaa fi ulfinatti dhagna isaa eeggachuu haa beeku! 5 Akka saba warra kaanii warra Waaqayyoon hin beeknetti kajeellaa dhagnaatti, hawwa isaattis of hin kenninaa! 6 Egaa namni kana irra darbee dubbii kanatti hiriyaan isaa hin gowwoomsin; gooftaan warra balleessaa akkasii hojjetan in adaba jennee duraan dursinee isinitti himneerra, dhugaa isinitti baaneerras. 7 Xuraa'ummaatti utuu hin ta'in, qullaa'ummaatti akka jiraannuuf Waaqayyo nu waame.**

**1 Ximootewoosiitti 3:3 nama garraamii, naga-qabeessas malee, nama machaa'aa, nama lola jaallatus hin ta'in! Nama horii jaallatus hin ta'in!**

**1 Ximootewoosiitti 3:8 Diyyaqonoonni warri waldaa kristiyaanaa keessatti gargaartota ta'anis akkasuma namoota ulfina nama irraa qaban malee, warra arraba lama dubbatan, dhugaatiittis warra gad of dhiisan, karaa dalgaatiin bu'aa argachuu warra jaallatan hin ta'in!**

**1 Ximootewoosiitti 6:9,10 Warri sooromuu barbaadan immoo qoramatti, kiyyootti, kajeellaatti, gowwummaa isaan miidhu baay'ee keessattis in kufu; kajeellaawan kunis balleeffamuu fi baduu keessa isaan in buusu. 10 Horii jaallachuun hundee wanti hamaan hundinuu irraa latuu dha; namoonni gar tokko yaada isaanii horii argachuu irra kaa'atanii, amanticha irraa badaniiru, waraansa baay'eedhaanis of waraananiiru.**

**2 Ximootewoosiitti 2:22 Ati immoo kajeellaa yeroo dargaggummaatti hammaatu irraa baqadhu, warra garaa qullaa'aadhaan maqaa gooftaa waammatanii wajjin qajeelina, amantii, jaalala, nagaa duukaas bu'i!**

- 2 Ximootewoosiitti 3:2** Namoonni warra ofittoo, sassatoota, of-jajoo, afuufamoo, arrabsituwwan, warra abboota isaanii fi haadhota isaaniif hin abboomamne, galata hin qabnee, warra wanta qulqullaa'aadhaan morman in ta'u.
- 2 Ximootewoosiitti 3:6** Isaan keessaa kaan mana namaa lixanii dubartoota dadhaboo warra cubbuun irra tuulamee, kajeellaa garaa garaatiin asii fi achi oofaman in wallaalchisu.
- 2 Ximootewoosiitti 4:3** Barri itti namoonni barsiisa sirrii fudhachuu jibban dhufuuf jira; bara sanas akka hawwa isaaniitti, barsiisota wanta gurra isaaniitti tolu isaan barsiisan walitti in sassaabbatu.

**Tiitootti 2:12** Ayyaanni Waaqayyoo kunis, nuyi Waaqayyo malee jiraachuu, kajeellaa biyya lafaa isa hamaas gannee, bara kana keessa of qabuutti, qajeelinatti, namoota Waaqayyoo taanee akka jiraannuuf gorsee, gara gaariitti nu deebisa.

**Tiitootti 3:3** Nuyis takka wallaalota, warra hin abboomamne, warra karaa irraa goran, garba kajeellaa fi hawwa garaa garaa isa foon gammachiisu, warra guyyoota keenya hamminaa fi hinaaffaadhaan dabarsine, namoota biratti jibbamne, walii keenyas jibbaa turree dha.

**Ibrootaatti 13:5** Akki jirenya keessanii horiidhaaf sassataa hin ta'in, wanta argattaniin 'Nu ga'a' jedhaa! Waaqayyo, 'Ani matumaa si hin dadhabu, si hin buusus!' jedheera.

**Yaaqoobi 1:14,15** Garuu tokkon tokkon namaa kajeellaa ofii isaatii isa hamaadhaan harkifamee yommuu qabamu in qorama. 15 Kajeellaan hamaan erga iddo ga'ee cubbuu in dhala; cubbuunis erga raawwatamee du'a in dhala.

**Yaaqoobi 4:1-5** Wal loluu, wal qoccoluus maaltu isin gidduutti kaase? Kajeellaa keessan isa bu'aa dhagna keessanii keessatti wal loluutu kana kaasa mitii ree? 2 Waa kajeeltu malee, hin qabaattan; waan namaa hawwitaniif aijeesuuf in kaatu, garuu isa hawwitan argachuu hin dandeessan. Nama qoccoltu, nama loltus, kanaanis hin argattan; Waaqayyon kadhachuu waan dhiiftaniif, wanta barbaaddan qabaachuu dadhabdan. 3 Yoo kadhattan immoo, yaada hamaadhaan waan kadhattaniif hin fudhattan; isin kajeellaa keessan itti ba'uudhaaf yaaddanii in kadhattu. 4 Isin namoota garagaggaltuu nana! Biyya lafaatti michoomuun diina Waaqayyoo akka nama godhu hin beektanii ree? Namni michuu biyya lafaa ta'uu barbaadu, diina Waaqayyoo of in godha. 5 Yookiis caaffanni qulqullaa'aan, 'Waaqayyo, hawwa hinaaffatiin hafuura isa nu keessa kaa'e duukaa bu'aa jira' yommuu jedhu, akkasumaan kan dubbatu isinitti fakkaataa ree?

- 1 Pheeexoosi 1:14** Akka ijollee abboomamanii ta'aa malee, kajeellaa foonii isa bara gowwummaa keessanii duukaa hin luucca'inaa!
- 1 Pheeexoosi 2:11** Michoota ko! Isin warra ormummaatti jiraattan, warra biyyaa baafamtanis nan gorsa; fedha foonii isa lubuu keessan lolu irraa

**fagaadhaa!**

- 1 Pheexiroosi 4:2-4 Egaa foon akka uffattanitti bara si'achi itti jiraattanitti akka jaalala Waaqayyootti malee, akka hawwa namaatti jiraachuun keessan haa hafu! 3 Wanta warri saba Waaqayyoo hin ta'in hojjechuun jaallatan hojjechuudhaan, yeroon isin dabarsitan in ga'a. Bara sanatti gad-dhiisatti, hawwa keessan raawwachuuutti, machiitti, gar-malee nyaachuutti, gar-malee dhuguutti, waaqayyolii tolfamaniif sagaduu keessattis karaa baay'ee seera Waaqayyoo irra daddarbuutti jiraachaa turtan. 4 Isa isin amma isaanitti dabalamtanii lolaa jirenya ittisa hin qabneetiin fudhatamuu dhiiftan in dinqifatu, maqaa keessanis in balleessu.**
- 2 Pheexiroosi 1:4 Kennaa kanaan isin badiisa, isa sababii kajeellaa fooniitiif biyya lafaa kana keessa jiru jalaa baatanii, dhagna hafuuraa isa kan Waaqayyoottii hirmaattuu akka taataniif abdiin gati-jabeeyyiini fi gurguddoони nuuf kennamaniiru.**
- 2 Pheexiroosi 2:3 Sassata isaaniitiin immoo dubbii mataa keessaa fuudhanii odeessaniin isin irraa in nyaatu; firdiin bara duriitii jalqabee isaan irratti kenname hojjechuun hin dhiifne, badiisi isaaniis dhibaa'ee hin rafne.**
- 2 Pheexiroosi 2:9-19 Egaa gooftichi, namoota Waaqayyoof bulan qorama keessaa baasuu, warra jal'oota immoo hamma guyyaa firdiitti adabaaf kaa'uu in beeka. 10 Caalaadhumatti immoo warra kajeellaa foonii isa nama xureessu duukaa bu'an, warra gooftummaa Waaqayyo isaan irraa qabu tuffatan adabaaf in kaa'a. Isaan warra addaggee, warra of gammachiisanii dhas; warra akka ergamootaa waaqa keessatti ulfina qaban in arrabsu malee hin safeeffatan. 11 Ergamoони Waaqayyoo warri barsiisota sobduu kana caalaa aangoo fi humna qaban illee, warra akka ergamootaa kana arrabsanii akka isaanitti faradamuuuf gooftaa duratti isaan irratti hin dubbatan. 12 Warri adabaaf kaa'amman sun garuu akka bineensota waa yaadanii gargar hin baafnee, warra uumamuu isaaniitiin qabamuuf, ajjeefamuufis dhalatanii ti; wanta ofii isaaniitii hin hubanne in arrabsu, isaan akkuma badiisa bineensota sanaatti baduuf jiru. 13 Gatii jal'ina isaaniis jal'inni irratti in raawwatama. Isaan guyyaa guutuu jirenya keessa-ba'aa jiraachuudhaan kajeellaa isaanii isa hamaa raawwachuuutti in gammaadu; kajeellaa isaanii isa hamaatti jirenya keessa-ba'aa jiraachaa, yeroo isinii wajjin nyaatan, isaan xurii fi mudaan isinitti in ta'u. 14 Iji isaanii yeroo hundumaa hawwaan gara ejjituu in ilaala, cubbuu hojjechuun irraas aara hin galfatan. Namoota jabaatanii hin dhaabatin wallaalchisanii kiyyoo isaaniitti in galfatu; garaa sassatatti bare qabu; isaan warra abaarsa jala jiranii dha. 15 Karaa isa qajeelaa dhiisanii karaa irraa kaataniiru; karaa Bala'aam ilma Be'or, isa jal'ina hojjechuudhaan bu'aa argachuu jaallate irra bu'aniiru. 16 Garuu inni irradaddarbaa isaatiif in ifatame; harreen dubbachuu hin dandeenyе sagalee namaatiin dubbathee, maraatummaa raajichaa ittiffeetti. 17 Isaan kun**

akka burqituu bishaan hin qabnee ti, akka hurrii bubbeen oofuu tis; iddoon dukkana limixii isaaniif kaa'amee jira. 18 Dubbii gowwummaa isaaniitiin guddisanii of in jaju, akka kajeellaa foon isaaniitti gad-dhiisatti jiraachuu isaaniitiinis, warra irraa kaachuutti jiraatan keessaa namoota reefuu baqatanii ba'an wallaalchisanii kiyyoo isaaniitti in galchu. 19 Warra kana birmadummaa in abdachiisu, garuu ofii isaaniittii iyyuu garboota badiisaa ti; namni waanuma akka gooftaatti isa mo'eef garbicha in ta'a.

**2 Pheexiroosi 3:3 Guyyoota gara dhumaatti ga'iftoonni akka kajeellaa foon isaaniitti jiraatan ka'uuf akka jiran, duraan dursaatii beekaa! Isaan isinitti ga'isuudhaaf,**

**1 Yohaannisi 2:15-17 Biyya lafaa yookiis waan biyya lafaa jaallachuutti hin hidhaminaa; namni tokko biyya lafaa jaallachuutti yoo hidhame, Waaqayyo abbaa jaallachuun isa keessa hin jiru. 16 Wanti biyya lafaa keessa jiru hundinuu, hawwiin foonii, hawwiin ijaas, jirenyaan kooruunis biyya lafaa keessaa ba'a malee, abbaa biraat hin ba'u. 17 Biyyi lafaa, hawwiin isaas hundinuu in darba, namni fedha Waaqayyoo raawwatu garuu bara baraan in jiraata.**

**Yihuudaan 1:11 Isaaniif wayyoo! Isaan karaa Qaayin irra bu'aniiru, bu'aadhaaf jedhanii guutummaatti irraa kaachu Bala'aamitti of gad dhiisaniiru; akkuma Qoraahi mormanii Waaqayyo irratti ka'uua isaaniitiinis balleeffamuu isaanii ti.**

**Yihuudaan 1:15-19 Inni nama hundumaa irratti faraduudhaaf taa'ee, waan warri Waaqayyo malee jiraatan jirenya akkasii keessatti hojjetan hundumaa, dubbii jajjabaa cubbamoonni warri Waaqayyo malee jiraatan isa irratti dubbatan hundumaa, bakkeetti baasee amansiisee, nama adduma addaan in adaba' jedhe. 16 Namoonni raajiin irratti dubbatame kun waan hundumaatti in guungumu, waan hundumaas in komatu, akka kajeellaa isaaniitti in jiraatu, afaaniin guddisanii of in jaju, warra waa irraa abdatan immoo sobanii in saadu. 17 Isin garuu michoota ko, dubbii ergamoonni gooftaa keenyaa Yesus Kristos kanaan dura dubbatan yaadadhaa! 18 Isaan, 'Yeroo gara dhumaatti ga'iftoonni warri Waaqayyo malee akka kajeellaa foon isaaniitti jiraatan dhufuuf jiru' jedhanii isinitti himaniiru. 19 Warri dhufan kun gargar ba'uu in fidu, yaada foonii jalas of in galchu, hafuuricha of keessaa hin qaban.**

**Muldhata Yohaannisi 18:14 Isaan yommus, 'Wanti lubbuun kee ija isaa argachuudhaaf hawwee ture si harkaa ba'eera, simboon kee fi cululuqni kee hundinuu si harkaa badaniiru, deebi'aniis matumaa hin argaman!' ittiin jedhu.**